



Broj: 04-18-20474-7/15
Zenica, 21.01.2016. godine

Na osnovu člana 69. stav (3) Zakona o javnim nabavkama ("Službeni glasnik BiH", broj: 39/14) u postupku javne nabavke usluga - Izrada Projekta detaljnih hidrogeoloških istraživanja na području općina Olovo i Usora, ministar Ministarstva za privredu Zeničko-dobojskog kantona, donosi:

ODLUKU

o otkazu postupka javne nabavke usluga
"Izrada Projekata detaljnih hidrogeoloških istraživanja na području općina Olovo i Usora"

Član 1.

(Predmet)

Otkazuje se postupak javne nabavke "Izrada Projekta detaljnih hidrogeoloških istraživanja na području općina Olovo i Usora" iz razloga što Odlukom o privremenom finansiranju Zeničko-dobojskog kantona za period januar – mart 2016. godine nisu planirana sredstva za finansiranje predmetne nabavke.

Član 2.

(Objava Odluke)

Ova odluka objavit će se na web-stranici Zeničko-dobojskog kantona www.zdk.ba (link „javne nabavke“ i link „Ministarstvo za privredu“) istovremeno sa upućivanjem Odluke ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 3.

(Stupanje na snagu i dostava Odluke)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Ministarstvo za privredu Zeničko-dobojskog kantona, kao Ugovorni organ, je u skladu sa članom 18. Zakona o javnim nabavkama ("Službeni glasnik BiH", broj: 39/14) pokrenuo postupak javne nabavke donošenjem Odluke o pokretanju postupka javne nabavke usluga "Izrada projekata detaljnih hidrogeoloških istraživanja na području općina Olovo i Usora" broj: 04-18-20474/15 od 18.11.2015. godine, te u skladu sa članom 35. i članom 36. Zakona o javnim nabavkama objavilo na portalu javnih nabavki Obavještenje o nabavci broj: 1199-1-2-1-3-1/15 i Ispravku za Obavještenje o nabavci 1199-1-2-1-8-2/15, a sažetak obavještenja o nabavci objavljen je u „Službenom glasniku BiH“, broj 91/15. Navedena javna nabavka se provodi putem otvorenog postupka.

Nakon objave obavještenja jedan od ponuđača je Ministarstvu za privredu Zeničko-dobojskog kantona, u zakonskom roku, podnio podnesak "Prigovor na tendersku dokumentaciju" broj: 04-18-20474-2/15 od 30.11.2015. godine.

Shodno članu 110. Zakona o javnim nabavka, a iz razloga podnošenja od strane ponuđača prigovora na tendersku dokumentaciju, odgođen je nastavak postupka javne nabavke usluga "Izrada projekata detaljnih hidrogeoloških istraživanja na području općina Olovo i Usora" o čemu su ponuđači obavješteni aktom "Obavještenje o odgađanju postupka javne nabavke usluga "Izrada projekata detaljnih hidrogeoloških istraživanja na području općina Olovo i Usora", broj: 04-18-20474-4/15 od 01.12.2015. godine

Ured za razmatranje žalbi BiH, Podružnica Mostar, rješavajući po žalbi ponuđača, je donijela Zaključak broj: JN2-03-07.1-171-7/15 od 05.01.2016. godine kojim je žalbu ponuđača odbacila kao neurednu.

Zbog uloženog prigovora ponuđača i vremena koje je proteklo do donošenja Zaključka Ureda za razmatranje žalbi BiH, Podružnica Mostar, navedeni postupak se nije mogao okončati zaključenjem ugovora prije kraja budžetske 2015. godine.

Budžet Zeničko-dobojskog kantona za 2016. godinu nije donešen i na snazi je Odluka o privremenom finansiranju Zeničko-dobojskog kantona za period januar – mart 2016. godine.

Odlukom o privremenom finansiranju Zeničko-dobojskog kantona za period januar – mart 2016. godine sredstva za finansiranje predmetne nabavke **nisu planirana**.

Iz gore navedenih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke, primjenom člana 69. (3) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU

Protiv ove odluke može se izjaviti žalba URŽ-u, putem ovog ministarstva, najkasnije u roku od 10 (deset) dana od dana prijema ove odluke.

Dostavljeno:
1x ponuđačima
1x a/a



Mostar
Zvonimir Babić dipl.ing.građ.